

Do akēmērsne...

Šērdēs, strakaliuodama ēš džiaugsma, praded stuotē,
Kumet ākīs saulie atrond pakavuota žvaigždies varda.
Tou akimirksni žaibo dūšē nošvēit omžēnuoji švēisa...
Ēr gīvēnēma keliuonie staigē neblēikt paskotēnē taška.

Ruoduos, onkstiau nikumet nebova joudū, sunkiū dēinū,
Ēr neplaudava merkous lītos ēš pu kuoju kēituos žemēs,
Neklaidindava pasalūnēs naktēis šmieklas, einont nomēi,
Ēr mienulis par pēlnati dongou neēšdrīsdava ožtemtē.

Ritīnejēs palei žemē nesogaunams dongaus tekīnelis,
Tēp ē truopēj šēlmis, kap ēsprūstē tēisē monēi i ronkas,
Kad, sospaudēs delnū sparnūs, palinkiečiau anam gēra kelē
Ēr praščīiaus novedams baisē tuolēj, kor pasēbēng žemē.

Verpeto itrauk i ognēis gelmēs sukūringa saulēs vietra,
Neblēikt laika net ikvieptē i plautius gāivē uora gorkšnē,
Tamē sostuojosiamē akēmērsnie žavingamē pajunto,
Kap soverts eso so saulelē ont vēina ēr tuo patēis siūla.

Kēts akēmērsnis bova negailestings it bodelē kirvis,
Atsiuntē debesi, tas apsēputuojēs prarējē skāistē saulē.
Viel pu kuojuoms stuojuos žemēs plota pasēšiaušusi...
Ēš dongaus aukštybiu prasmegau i ašarū pakalnē...